



ԿՐՈՆԱԲԱՆԱՍԻՐԱԿԱՆ

**ՆԵՐՍԵՍ ԱՐՔԵՊԻՍԿՈՊՈՍ ՊՈԶԱՊԱԼՅԱՆԻ ՔԱՐՈԶԸ՝
ԽՈՍՎԱԾ ՄԱՅՐ ՏԱՃԱՐՈՒՄ ՀԻՍՈՒՄ ՔՐԻՍՏՈՍԻ
ԱՅԼԱԿԵՐՊՈՒԹՅԱՆ ՏՈՆԻ ԱՌԻԹՈՎ
(19 հուլիսի, կիրակի, 1998 թ.)**

«Քրիստոս Աստուած մեր շնորհեալ մեզ
ընդ Պետրոսի և Ընդ որդուցն Ջերեբեայ-
արժանաւորիլ Էմմ աստուածային անսխանդ»
(ՇԱՐԱԿԱՆ)

Սրբազան շարակնագիրը, որ քանաստեղծությամբ նկարագրել է Վարդավառի տոնը, իր ժողովրդին, հետևորդներին և հավատացյալներին է գիմում Քրիստոս Աստծու անունով և ասում. «Քրիստոս Աստված մեր, շնորհիր մեզ Պետրոսի և Ջերեբեայան եղբայրների՝ Հակոբի և Հովհաննեսի հետ արժանավոր լինելու և աստվածության տեսլիքին: Ռոմիկոսե Վարդավառը, լինելով հեքսանասական մի տոն Հայ ժողովրդի համար, հենց Գրիգոր Լուսավորչի օրից վերածվել է քրիստոնեական տոնախմբության՝ նվիրվելով Քրիստոսի պայծառակերպությանը: Ի՞նչ էր հեքսանասական այս տոնը: Հին Հայաստանում մեր նախնիքները Վարդավառի տոնին (Վարդավառ գեղերեն ճշմանկում է ջուր սրսկել) հեքսանոս սրբավայրերում, ըստ հայկական տոմարի, Նավասարդի մեկին՝ օգոստոս 11-ին, խմբվում և տոնում էին Վարդավառը: Հետագայում, որոշ պատճառներով, օգոստոսի 15-ին տոնախմբվող Աստվածածնի տոնը հոտ եկավ և սկսեց տոնախմբվել Քրիստոսի երաշամառ Հարությունից հետո, 14-րդ կիրակիին, այսինքն՝ Քրիստոսի Հարությունից հետո եկող 7-րդ կիրակի օրը ճշվում է Հոգեգալուստը, իսկ Հոգեգալուստից հետո 7-րդ կիրակին Վարդավառի տոնն է, մեր Տիրոջ Պայծառակերպության տոնը: Այդ տոնի առիթով հայերը հավաքվում էին զանազան վայրերում և միմյանց վրա մաքուր ջուր սրսկում:

Այդ օրը մարդիկ նաև աղավղիներ, տատրակներ էին բաց բողնում: Դա հեքսանասական տոնախմբությունից մնացած սովորույթն է: Սակայն Սուրբ Գրիգոր Լուսավորչից այդ տոնին միացրեց նաև մեր Տիրոջ Պայծառակերպության գեղեցիկ դրվագի տոնախմբումը: Այդ մասին Ավետարանում կարդում ենք, որ Հիսուս իր աշակերտներից ամենատարեցներից՝ Պետրոսին, Հակոբոսին և Հովհաննեսին, որ ամենասիրելիներն էին, վերցնելով, բարձրանում է Թաբոր լեռ: Նրա աշակերտները տարված խոսում էին, հանկարծ տեսնում են, որ Հիսուսի դիմքը արեգակի սխտ պայծառափայլում է, իսկ զգեստները՝ լուսարձակում: Այդ երաշալի տեսլիքի վրա աշակերտները գլուխները խոնարհում են և չեն կարողանում ճաշել: Սակայն հետո տեսնում են՝ Մովսեսն և Եղիամ կանգնած Հիսուսի աջ և ձախ կողմերում: Պետրոս Առաքյալը, զմայլված այս տեսարանով, շփոթված ասում է. «Խաբբի, բարեօք է մեզ աստ լինել եւ արասցուք երիս տաղաւարս՝ մի քեզ, եւ մի Մովսիսի, եւ մի Եղիայի» (ՂՈՒԿ. Թ 33): Այդ փառավորությունը, աստվածային տեսլիքը, փառահեղ, երկնային երևույթը աշակերտների համար զմայլագին երևույթ էր: Այդ իսկ պատճառով Պետրոսը չկամեցավ զրկվել այդ տեսարանից և խնդրեց, որ երեք վրան հաստատեն այնտեղ՝ մեկը Հիսուսի, մյուսը՝ Մովսեսի, և երրորդը՝ Եղիայի համար: Ի՞նչ փառավոր տեսլիք: Հիսուս մեզ հետ ապրեց և հատկապես կյանքի երեք տարիները աշակերտների հետ քարոզեց Հրեաստանի, Փյունիկայի,

Գալիլիայի շրջանների ժողովրդին, Իր աստվածային փառքը բացեց նրանց առջև: Հիսուսի Պայծառակերպության զորվազը գաղտնի պահվեց Պետրոսի, Հակոբոսի և Հովհաննեսի կողմից մինչև Հիսուսի Հարությանը:

Սիրելիների, մենք այսօր հավաքվել ենք այստեղ, այս Սուրբ եկեղեցու կամարների տակ՝ մեր Տիրոջ՝ Հիսուս Քրիստոսի Պայծառակերպության հիշատակը մեկ անգամ ևս տոնախմբելու, Նրա աստվածային տեսիլքին անդրադառնալու և մասնակիցը լինելու Իր աշակերտների միջոցով այդ տեսիլքի փոխանցմանը մարդկությանը: Եվ այսօր ինչո՞ւ մենք զրկվեցինք այդ աստվածային տեսիլքից: Մենք՝ բոլոր հավատացյալներս, նրանք, ովքեր ջանում են սրբությամբ անցկացնել իրենց կյանքը, ովքեր չեն հալեղում, սուտ չեն խոսում, չեն բամբասում, այդպիսի մարդիկ արժանի են աստվածային տեսիլքին, Աստծու էությունը տեսնելու, Աստծու հետ հաղորդակցության մեջ լինելու և այսպիսով լցվելու, ուրախացալու, ցնծալու և, հոգևորին ձգտելով, այս աշխարհում մեր կյանքը դրախտային կյանքի վերածելու: Եթե հոգևորին չձգտեմք այս աշխարհի վրա, եթե դրանք պետք է կապի մեր ձեռքերն ու սիրտը, ապա օ՞րն է կյանքի արժեքը մեզ համար: Ընտանիքում ի՞նչ է դրամը, ուտելիքը, եթե դրանց կողքին Աստծուց մեզ տրվող հոգեկանի ձգտումը, հոգեկանի պահանջը, որը շատ անհրաժեշտ է, բացակայի: Հոգեկանի ձգտումը մեզ օգնում է նախ աստվածորդիներ դառնալու և ապա՝ Աստծու հետևորդները լինելու: Նաև կարևոր ու պատշաճ է, որ մենք դրախտը կարողանանք պատկերացնել և ապրել այն տվյալներով, ինչը մեզ է փոխանցվում Պայծառակերպության խորհրդով: Այն մեզ համար պատուհան, դուռ է բացում դեպի դրախտ, որպեսզի ճանաչենք մեր Տիրոջը, մեր կյանքը մխիթարական լինի, այլ ոչ թե անհույս մի ճանապարհ՝ կորստյան տանող:

Այսպիսի հրաշքները, որոնք մեզ են տրվում Ավետարանի միջոցով, վստահություն են ներշնչում դրախտի և անդենական կյանքի գոյության մասին: Հաճախ մենք, որպես տղետ մարդիկ, չլուսավորված մեր մտքերով, առանց Աստվածաշունչի Մատանն ընթերցելու, առանց հաղորդակցվելու Սրբոց վարքին, ասում ենք, թե կյանքը սահմանափակվում է մահվամբ: Ո՛չ, մահվամբ չի սահմանափակվում, այլ մահվանից հետո քրիստոնյայի համար մեկ այլ կյանք է սկսվում: Այդ կյանքով է, որ մենք պետք է լիցնավորվենք և հավատանք: Պայծառակերպության հիշատակի տոնախմբությունը մի տեսակ առիթ է մեզ համար, դուռ է, պատուհան է՝ տեսնելու երկնքի իրականությունը աստվածային փառքի տեսիլքով և երանական այդ կյանքի վիճակով:

Ահավասիկ, դուք այսօր եկել եք այստեղ՝ այդ տեսիլքին հաղորդվելու և այդ տեսիլքով ձեր մեջ զորացնելու հավատքը, որպեսզի չերկմտեք, առավել հաստատվեք Քրիստոսի հավատքի վրա, որպեսզի հաստատ իմանաք, թե այս կյանքը գերեզմանով չի սահմանափակվում: Այն վերածվում է հոգևոր կյանքի, որի մեկ պատկերը, նմուշը այսօր Պայծառակերպության տոնի առիթով մենք տեսնում ենք, զգում և հավատում:

Թող աստվածային փառքի լույսը Այլակերպության խորհրդով ծագի նաև մեր հոգիների, իմացականության և կյանքի բոլոր օրերի ընթացքում, որպեսզի չսպառնանք մեր հավատքից, առօրյա հացի ու դրամի համար չուրանանք մեր դավանանքն ու հավատքը, այլ ամուր կերպով կառչած մնանք նրան: Քրիստոսի Պայծառակերպության հիշատակի օրը եթե տուճարձի ճանապարհին մեզ վրա նույնիսկ ջուր ցանեն, ապա այն համարենք իբրև աստվածային շնորհի մեկ փոքրիկ մասը, իբրև զովություն մեր հոգիների, այժմ և միշտ և հավիտյան հավիտենից. ամեն: